

本報要目

◎十一月二十日第六十五號◎
論說▲論丁役學堂
事件▲滿洲利源之所在(三續)
譯件▲美國農學發明新肥料說略
要聞▲政務處會議要政(中日議約近聞)△改訂出使章程之風說△江蘇京官創設教育路礦研究會
各省新聞▲淮鹽增產△武昌圖書館將開
各國新聞▲日本進步黨調查中國留學生休課
事△日本新聞同盟之主動者
泰議▲順天學政陸榮廷學務督辦(續昨報)

論說

論丁役學堂

共和之國民爲主故無上下之分亦無貴賤之別立憲之國君民共爲主雖有上下之別而亦無以賤賤貴以貴賤賤之時惟專制之國則一人獨斷於其上萬姓受制於其下上下之分定而貴賤之界乃嚴故以一國言之皇帝爲最貴而內而樞臣外而疆吏皆不得謂非賤也以一省言之督撫爲最貴而大司道小而府縣皆不得謂非賤也以一郡一邑言之守令爲最貴而旁及丞尉下及吏胥皆不得謂非賤也至與臺皂隸之徒奔走傳宣之輩名雖在官實則不得與四民齊視所謂居極賤之地位者也中國自開關以來歷數千年皆屬專制之政體其貴賤相沿之習亦日積而日深蓋自三代之際封建之制行而爵位世襲兩晉以降貴族之治與而崇尙門第至唐而科舉之法立於是寒賤之士漸登庸世祿之家稍稍壓抑歷五季之衰迄元明之世皆相沿其制我朝取士亦因而不改然其視科舉也過重其立限制也太嚴非身家清白世有登選之人者不得以與選是猶世襲之例也其倡優隸卒不合應試之格者不得以與試是猶門第之見也苟身爲丁役其世世子孫且不能洗其污穢之迹而博國家之錄用況欲及身而貴與於學生之列而受公家之教育者乎故今日科舉雖停學堂林立其收錄學生之例亦沿科舉舊制非身家清白無倡優隸卒者不許其肄業觀乎其表未始非尊重學生之道而充乎其弊則是學堂之設專爲貴族而不及賤類其極也必使貴者以有學而日進於智賤者以不學而終安於愚此豈教育普及之義乎今直省首先提倡於天津府署設立丁役學堂令各署家丁差役按日分班輪流入學破貴賤之界宏教育之門將使至愚極賤之人亦得列學校之中與士民同其利益其意良其法美其效豈可

以小小測驗蓋丁役者官府之耳目也人心雖正不能無制於耳目之欲官府雖賢而一切事務不能不假之丁役之手爲丁役者其身分卑其志趣陋其識見小而又濟之以無學於是其不顧名譽不顧道理不顧官府之得失而惟於干預公務之際便其私圖利之謀遂使賢能之吏以疏於覺察而結誤去官者不一而足此皆丁役無教之故也今乃不更爲卑賤之倫而進之學問之事稍有知識固當激發天良勉爲公正不爲身分之所困學之既久其志趣自變其識見自變必能關懷民事顧念官方不爲營私舞弊之爲致陷於作奸犯科之地即偶有不肖官吏或受其匡正得免於虐民罔上之非其關係於吏治者顧不大哉使全國接踵而行之則甘餘行省之間百道府而千州縣其丁役之衆當不下數十萬處處立校人人知學其教化之備及智識之大開於國計民生必多裨益其影響於政界者亦必不小未始非轉弱爲強之一道也雖然學堂之地本爲學生而設今仍命爲丁役是化平貴賤之實而猶存貴賤之名凡不得已而托迹其間者或恥入之而反爲文明之障礙不如變通其法雖學生祇取丁役而易以通同之名稱則既足以成其學業又足以養其廉恥是在當道者之善全其終也(南)

譯件

滿洲利源之所在(三續)

至支那所稱藥草之王人參者實產於長白山脈經行吉林而以向支那輸出也夫由近世醫學上以觀人參之效力如何雖尚未得定論然總以其爲支那所產之珍貴藥草而爲治急病實元氣虧損之妙藥而爲支那人所不可缺少之物婚嫁之際常用之以爲禮其需要之多可知緣此其價亦昂貴一斤(五六本)之價額自六七元至二百圓不等是在商賈上以論誠不可不謂爲有利益之貿易也以外如藥料有鹿之袋角有鹿之鹿角有鹿胎子各物其數實甚夥也但如以上所述則唯由松花江而出於吉林之一部分耳其他由大東溝之圖們江而經由俄韓兩國之境地者亦頗不少然出於吉林者積久既因之而成吉林之殷富水運陸運俱甚便利其尤當注目者即東清鐵道之豫定線有數段由長春驛至吉林支線之事雖其事未明載於條約書上然此支線之敷設權由俄國讓與於日本桂首相非言明言之而爲有衆所共聞乎誠如是則吉林之繁華將必益有增進且對於長白山富源之開發其時機亦必日近一日吾人所以切望其支線之及早敷設而以立我在滿洲經營之機關也此外尚有滿洲經營之一要點當爲附述於下即南部滿洲之柞蠶絲製造業是也由於滿洲者爲世界有名之柞蠶產地其由遼子富至海城蓋平遼陽懷仁一帶而在皆飼育柞蠶其產額逾二百萬圓元逐年有增加之勢且如支那人尚不知製絲之法所織不過絹細其利是有有限今若於安東縣附近特創立柞蠶製絲場而即於彼地製出精美之柞蠶絲其利益洵不可測也現如芝罘地方設有製絲場數處即以滿洲輸出之柞蠶與製絲之業並有輸出於歐美等地其進步非常神速

事件

美國農學發明新肥料說略

中國農務之國也耕家時代之期最長今日雖萬國工商競爭而中國仍當以農務爲支配之基礎則以所處之地位如是也然而茫茫萬域幾盡荒蕪即有墾闢而所服者猶是三千年前之狀畝所負者猶是三千年前之未耜守舊不變陳陳相因膏腴土上化爲瘠瘠加以惰惰之民習於游蕩食多生寡寢致窘迫執筆者怒焉憂之近讀美國周報載有農學發明之新肥料記一篇甚願譯之以貢獻諸社會或者可略造幸福於中國乎
記云余前在鄉間有兩農夫相告語娓娓可聽甲曰汝於本年曾試新肥料否乙曰然猶記余田之某一方去歲之收穫甚歉幾不償所費已視若石田矣汝汝所說知也顧聞美京農院發有一種肥料之餅不取分文之值而餅入土中則種克魯物與矮矮勿皆能異常蕃茂按克魯物與矮矮勿皆畜牧料以視向之僅生蔓蕪者天壤也因從而求得之並有一紙詳載用法余如其言喜甚初不料余所欲棄之石田焉竟較曠時之膏沃又加四倍也
於是余乃太息而爲之記曰二十周以來新事物之發明日多亦使人聞之而生厭矣夫醫者治人身之病無論種種之奇證而方術不窮豈謂土脈之瘠瘠亦能得一法以醫之是則即我習聞新法之耳根而驟聆其說亦不得不以爲怪誕而未足信也試爲徵驗其實
蓋欲研究新肥料之事必略知農學之理夫兩間有生命之物固無不以吸食各種原質爲存活之資本而吸食之際又必自選適宜之品類由草木禽獸以至於人一一皆然而適宜於植物之最要者則爲氮氣故氮氣融於土中而植物吸食之發榮滋長是依是賴故一地也耕種既久則土中所含之氮日形減少而終至於瘠瘠農夫乃取肥料以補之若鳥糞若獸溺若腐草雖不明格致者亦能知而用焉故此種肥料自遠方而運入者月以三四千墩計居然爲商務之一大宗而有用化學法以造肥料之廠亦林立焉此不可勝數後有人謂何必如是之難哉彼空氣中淡居十分之七倘能藏入土中足敷全地球之用而有餘是天之所以爲植物預備者茫茫大海不啻也所難者空氣中之氮何以能歸之於土耳故論者每以植物暢達之地發洩太過則將來數百年後必變爲無用歐洲美洲之東昔日之沃土今則已成荒蕪而不知此即氮氣過少之故也於是收養氮氣之問題乃永留農學家之腦中何意消息傳來其事甚奇以如斯最大之功業屬諸目所不見之微蟲此微蟲者即能於土中得空氣中之氮氣而歸之於土以備植物之用者也怪哉咄咄
自西方農學萌芽之時代羅馬大詩家撥利宜以下凡在農夫皆知田必先種豆類而後麥之收穫更豐故相傳有一易再

ANNOUNCEMENT.

We have the pleasure to announce to our foreign friends and our English speaking countrymen, that after some days, we shall have our news and speeches published in the English language, inside of our daily Chinese papers.

請看請看

易三易之法此但知其然而未知其所以然不過謂專種一物則地瘠更種他物以休息之則饒莫測其奧深也及德國格致家研究豆類之爲物其所得之淡氣乃從空氣中吸取之非出於土且又知豆類所吸收空氣中之淡氣有留遺於土中故麥麥吸取土中之淡復之空氣豆類又吸收空氣中之淡復之於土二者互相爲復循環不息眞造化之大能譬如人吐炭氣以養花木花木又吐養氣以還之於人皆神妙之功用不可思議者也
設於地中取豆類之根而諦視之有瘦腫起結核纍纍小者如針鉞大者如鵝鴨此贅疣者果何物也然有瘦之根必蕃殖無瘦之根必枯悴又奚以故格致家乃取刀剖割而以顯微鏡窺之則見瘦內有數億兆之微蟲聚聚於中蓋此微蟲即能吸取空氣中之淡氣以資豆類之生長力於是名新發明之微蟲曰吸淡歸土之微蟲而又考凡豆類之根皆無瘦即不能生發而可見瘦者微蟲之房其所經營即以供給此豆而辛勤特甚也
次有德國大格致家名挪勃者農學校之大教師也即以上云云而深思之謂如能以吸淡歸土微蟲移置瘠土之中或能以微蟲之種撒於瘠土而使自行生殖則可使瘠土絕迹於世界矣乃竭力探索而得微蟲離其原處仍可吸養之法以出售諸市廣告遠近一時農夫聞之大爲震動爭相購取求得一試顧其法尙爲未盡善者則以問有閱時稍久甫入土而己枯斃不能郵寄他方也
雖然此德國大格致家可謂有大功於人羣者矣一則創知淡氣互相循環之理由於微蟲而得吸養之法一則已知吸養之法而未能久遠於是美國大發明家摩爾者出而繼二人之缺憾摩爾爲農院部員研究植物之體質功用者甚注意於挪勃之所發明而以其吸養之法爲不不然其說曰今有富家之執務摩爾厚無所事事一旦失時而欲自食其力豈可得哉挪勃之吸養微蟲也屢試過多既使現成習慣忽焉中道棄捐責令自作苦工此挪勃之術所以使易易也摩爾則初不使微蟲飽食淡氣而必令飢而求食故常愈覺與盛而強健其力較野性之微蟲加五倍至十倍以之播於田中縱其瘠土而豆根之瘦更大於從前且依挪勃之法則瘦小而少依摩爾之法則瘦大而多也
(未完)

天津鄉祠南售報處李茂林啓

各省新聞

▲政事

◎仕學速成科試題 豫省仕學速成科初考考到者無多日前陳小帥因復傳各考試員聞到者只二十八人其試題一為籌築開濟洛潼兩路議一為日本憲法臣民有完稅充兵之義務論云 (河南)

◎警察學堂不收客籍 蘇省警察學堂投考各生異常擁擠茲由督辦朱廉訪以招考章程內之官生係專指蘇省候補佐班而言如在他省候補及候選人員原籍並非蘇省者均不合例特飭分別登報所有報考人員務需將三代籍貫造冊呈明候本月中旬局試 (蘇州)

◎蘇臬請辭兼差 署蘇臬司兼辦督練公所兵備處及農務善後房捐牙釐各局朱石廉訪具稟院憲略云練兵為當今急務蘇省新招常備後軍六營及各防營尚須選將訓練認真整頓又善後房捐等局所收各捐近年辦理新政各項用款無不仰給於此而收數日見短細極須籌劃惟精力已衰未能兼辦擬請將兵備處農務善後房捐四差另派大員總辦俾得專辦牙釐局及臬署事務云 (蘇州)

◎整頓鹽局 新任安徽藩憲馮夢華方伯臬憲陳伯平廉訪因發審局有承審全省要案之任責有專歸而局中辦法多有未當擬將一切章程大為整頓並定有功過賞罰各條規俾各委員有所觀感而重要公 (安徽)

◎覆查博白縣陳禮被控事 敬稟者竊卑職奉札委密查廣西博白縣陳禮被控貪酷各節遵即東裝起程抵博白道照被控各節逐款審查一月以來已密查確實敬為我大帥陳晰陳之伏查原控陳禮用門丁一節該署令實用劉昇平充門丁稿案又縣署向來每收狀紙一張需費九百二十文今該署令每狀紙加收至一千二百文聞其稟作親兵口糧之用卑職詳加查訪皆謂其所招親兵四十名一切薪糧已在地下內開支是加取狀費未免格外婪索從前西撫憲馬曾經勒石示禁地方官審理案件不准稍有需索今陳署令每遇審案一次婪索數十千不等且有規單第一條即列此規例為首至兩造投到又加索取牌錢一千四百文過堂後又索取案規費數十千不等皆由門丁書差經手關說事後先提六成充作署內火食餘方發下均分所最慘者該縣屬無論大小案件原告每擇被告之族戚殷富者列入狀紙列為坐帶甚至有差役到傳坐帶而本人自問毫無干涉不知所犯何事者祇得其任其婪索償以厚資始能了事此風相沿已百餘年是坐帶名目最易累及無辜雖非該署令作俑而此弊不除大為民害倫蒙帥恩給示札飭勒示永禁則合邑生靈萬世永賴矣 (廣西)

◎派師範學生參觀學堂局所 省城官立師範學堂簡易科甲乙丙三班畢業生由監督方鶴人觀察於十月二十六七八九等日派往各學堂各局所參觀一切甲班學生由齊務長楊容鏡督書委員苗湘蘭體操教員楊啓勝帶領乙班學生由東

文教員叢連珠監學委員鄧向南體操教員馬如虎帶領內班學生由國文教員兼監學委員胡際雲檢察委員劉宗嶽體操教員周南帶領二十六日看武備學堂及教養局二十七日看工藝學堂所中西醫院高等學堂二十八日看天主堂公立小學堂中學堂客籍學堂二十九日看銅元局公立師範學堂 (山東)

◎委員赴濰查學 東撫楊帥面諭候補知縣余大令傳赴濰縣查理學務臨濰時宋大令即邀同石呂二廣文隨余大令同赴各處學堂查勘功課現已畢事大令於日前回省銷差 (山東)

◎游學經費未齊 江撫胡帥即飭各屬查取實與采芹各款以為地方興學及留學外洋經費並飭各屬選送學生數名來省聽候考送現在各屬所送學生均紛紛稟到而飭查款目寂無所聞以致未能遵定學生名數頃經學務處出示略謂來省候送諸生少安毋躁一俟各屬查款到齊即行呈請咨送刻聞已派定者計有高等學堂一十名師範學堂一十名金陵各學堂一十名 (江西)

◎創設女學 鄂省支那師範學堂堂長金華祝等以女子為教育之母女學不興恐將來國民仍無完全教育爰擬設立女學堂一所查該處聞已在城內撫東門外街賃定巨屋一所經費暫由發起人擔任如有熱心此舉樂於助捐者即推為名譽贊成員本月初十日特約軍學兩界同志于翌日四時在該學堂會議辦法至章程如何俟訪明續登 (武昌)

◎日員參觀學堂 湖南近到有日本游歷員小村君等數人赴嶺麓山高等學堂參觀當由學堂執事人出迎並導觀體操日人皆稱善而退 (湖南)

▲軍事

◎豫省練兵之計畫 豫撫陳小帥因北洋練兵有效且聞鄂督有練兵之說河南近與比鄰不願甘居人後因與藩臬兩司及督練處各員商辦自行練兵事宜分爲四鎮每鎮二十四營共計九十六營每年需款約二百餘萬深恐一時不能籌足頗費躊躇 (河南)

◎議改綠營爲巡警 豫省城守營自裁兵節餉後郡城不過二三十人各州縣七八人以致地方搶劫案件時有所聞現聞督練處會議擬將此兵餉全裁改充巡警經費責成地方官再行籌款添募以資保護某觀察謂綠營雖弱無用然告朔餼羊未可遽廢尙不知小帥如何定奪也 (河南)

◎補習操法 鄂省陸軍小學堂招考揭曉已紀前報茲聞該學堂總辦張君彪以此次公立預備中學堂送來學生七十名身體文藝均尚合格惟操法不甚整齊特於日前傳見時面諭諸生須入營補習一二月方能入堂肄業云 (武昌)

▲財政

◎挽回奉天木稅權 奉省自日俄戰事之後凡關內外轉運一切木料應納之稅悉歸日官征收次帥到任後與日官竭力磋商所有納稅利權方克收回現仍交東邊道設局監收已於

日前電致外務部矣 (奉天)

▲路政

◎籌資開築路工 粵紳黎梁兩觀察在鄂會商粵漢路政已歷多日刻下已與湘紳張觀察等會商數次大致以分省開築各籌經費爲主義一俟稟准鄂督後即各回原籍估計路工銀兩以便開辦 (湖北)

◎擬設鐵路分局 湘省鐵路總局已設於湘春門內左文襄祠中茲又添設籌款購地局於草湖門內正街復於其旁購地一區創設鐵路支應局聞不久即須開工鐵路總辦張雨珊席沅生兩觀察刻已赴鄂稟見張宮保面商一切矣 (湖南)

▲實業

◎創興航業 東省濱海地方其商務以航海爲大宗故居民即以航海爲業自海禁開後而利益漸失近有萊州掖縣范紳駿聲等業與同人公議暫就沿海各口岸商船土著富紳招集股本仿照日本商船會社辦法先購中等淺底大輪二艘暫就內海行駛以爲試辦基礎聞已稟准撫帥批行安章章程呈請試辦並札飭東海關暨商務局轉飭沿海各州縣一體遵照妥爲保護俟辦有頭緒再由商局詳請給照 (山東)

◎紡紗公司將次開辦 豫省廣益紡紗有限公司設於彰德郡城西北郭家灣地方房屋業經竣工購機器不日裝運來汴大約明年即可開辦已公舉何彥臣觀察總董其事觀察辦事認真夙有聲譽想此次振興實業必大有可觀也 (河南)

◎淮鹽增產 兩淮加增鹽產一案前奉部文飭查即經恩運台督飭分司場員認真查辦並飭清理蕩地添置埕灶實力稽煎以收成效茲悉署泰分司毛平甫分轉擬具章程詳請運憲核示奉批該屬各場加增鹽產十萬引自光緒三十二年爲始已經本司連同通屬增產一併詳請督憲核明 奏咨立案詳稿另札抄發仰即遵照辦理並飭各場實力稽煎不得稍涉鬆懈致增產有名無實定干參咎至新淤蕩地係屬公家之產各場商灶已在新淤蕩內置有埕場難免私佔官蕩之咎姑念事屬已往且現當增產之時本須添置一面應先由司分別札飭各場諭令商灶將新淤蕩內所置埕灶更立新名暫行報明存記一面將舊有牌號報明註銷將來新淤地如何辦理俟定有章程即一律遵辦並候於詳院文內聲敘另摺所開各場應領新繳數目並候分別飭諭商灶趕緊分次請領繳冊結印結均存 (江蘇)

◎米禁開後之近況 本月初三日江陰縣金大令抄奉周陸督撫兩憲札開米禁出示曉諭後本邑米價上本售三元一角者一二日之間陡漲至三元六七角次等三元者陡漲至三元三四角刻下由黃渡港出口之貨絡繹不絕一船或裝數十石或裝百餘石不等每日計有千餘石東北鄉則有黃山白蛇等港西鄉則有夏港中港桃花等港出口亦復如是據該處老農言江邑米田除潮淹不計外今歲秋收不過中稔供一年之食尚屬勉強強前時所以見爲有餘而價昂者以上春海禁嚴各棧有屯積耳現今米禁一弛各棧屯積運用一空

農人食利一時售去大半兼以漕徵在邇江漕完五萬六千餘石藩批准本折兼收完本一半則須二萬八千餘石迫兩月限滿再禁則貨物已空無所有矣將來青黃不接之際內地無貨可買勢必仰給於外來奸商壟斷市價居奇吾恐米價之不倍蓰者幾希 (江陰)

◎商業學堂落成 漢鎮由義門外所設之商業學堂房屋業已落成額設一百二十名已稟請上憲立案開辦之期尙須待至來年也 (漢口)

◎淮鹽到漢 湖北所銷淮鹽每屆冬季銷場暢旺日前由淮南運來食鹽六七船刻已起貯倉棧以備轉商領銷矣 (湖北)

◎勸工局添設學科 川省勸工局開辦已來分科製器均臻美備聞近日學生課程特添入商業學及法語兩科學生兼習者頗不乏人將來蜀中工商兩途其發達必有可觀也 (成都)

◎通飭嚴拿私販 湘省鹽岸向只行銷鹽灘而上游各州縣逼近川粵兩省販私而來者不乏其人以致行銷每形滯塞近川販中有所謂扁担會者十成羣羣不可究詰動即聚眾拒捕撫憲嚴飭刻已出示嚴禁並通飭各屬一體嚴拿 (湖南)

◎仿造銀水 閩某前在滬郡打金街店內創造銀水不其行銷頗有折閱近聞又有新繁縣龍藏寺僧人夥同辦集股有數千餘金現於玉沙街設一公所房屋宏敞地基寬闊一俟造成即可開局出售並將製造之法加意講求云 (重慶)

▲雜紀

◎文旌過錦 奉天學政李大宗師十三日由津乘火車抵山海關十四日過錦州所有文武官員及各學堂教員學生等均前往迎送因停車未久僅與文觀察談太守晤談片刻並向各學生獎勵數語其餘均未暇傳見云 (奉天)

◎私販滋事 濰縣紳士所立之官局訪查私販極爲嚴密城東北胡住南胡住二莊有販運私貨者來此售賣局勇聞之即往查拏不意該私販等已先聞風將所販各貨藏匿他處以致局勇未能拏獲該莊鄉民以局勇擅入民房稽查私貨屬有干法紀遂將勇重毆並呼衆入城赴官局肆鬧宋副臣大令聞知即往彈壓并擬發獲私貨以備拿辦云 (山東)

◎銀價難平 銀價日漲州縣錢漕平餘大有出入現由撫憲札飭官錢局設法劃平市價以爲外屬之倡惟銅元太多實難措手聞某觀察一籌莫展頗覺焦灼云 (河南)

◎武漢錢市近情 鄂省自銅元充斥市面錢價日跌雖經減少鑄數並禁止外省銅元入口一月以來仍無轉機刻下銀價更日漲一日每枚龍洋可兌錢一千一百五十文銀幣每枚可兌錢一千七百四十文以致武漢各行商大受虧折而以小資本家爲尤甚云 (湖北)

◎武昌圖書館將開 鄂督前擬設立圖書館茲聞赴滬採購圖書委員現已返鄂香帥擬暫就賢良祠開辦並委黃子善太守充該館總辦吳道夫直刺充該館提調云 (湖北)

農人食利一時售去大半兼以漕徵在邇江漕完五萬六千餘石藩批准本折兼收完本一半則須二萬八千餘石迫兩月限滿再禁則貨物已空無所有矣將來青黃不接之際內地無貨可買勢必仰給於外來奸商壟斷市價居奇吾恐米價之不倍蓰者幾希 (江陰)

各國新聞

◎英國續派東方艦隊 英國海軍省現又續派巡洋艦底歐克號 愛丁伯號 丹尼爾號 那達爾號 四艘駛往中國歸入東方艦隊駐屯中國洋面 譯上海文匯西報

◎英人失業可憐 英國政府捐款賑濟失業工人已紀前報現聞失業工人一萬餘名在倫敦西部地方聚議要求政府安置工業及高揭旗幟遊行街市倫敦地方官當即調派兵隊巡捕前往彈壓其困苦情形甚為可憫且遊行時循規矩並無妨害社會之處 譯上海文匯西報

◎日本進步黨調查中國留學生休課事 日本進步黨因中國在日本之留學生全體休課特派三人調查其事 譯天津益聞西報

◎日本新聞同盟之主動者 日本新聞同盟運動之方法及傳佈全國各報館等事由東京七大報館主任之皆公議議定者茲錄如下 (一)東京日日新聞 (二)東京朝日新聞 (三)萬朝報 (四)時事新報 (五)報知新聞 (六)帝國通信 (七)自由通信 譯東京日日新聞

◎日索俄停費用 日本政府統計俄停在日本及滿洲等處之衣食費用共有五千萬元現已向俄政府索還此款 譯天津益聞西報

◎俄停滋事已平 俄停在日本長崎滋事現已彈壓平靖日本警部已將巡捕撤回僅派雷艦在該處保護現有俄國運艦一艘運回俄停一千二百名 譯上海文匯西報

◎黑龍江沿岸燈台復舊 日俄戰爭時俄領黑龍江沿岸之燈台全行熄滅自和約成立後各燈台重行舉火 譯東京日日新聞

◎名醫逝世 德國著名醫家魯塞爾君向為德皇之御醫兼充普魯士陸軍總醫官已於日前逝世 譯上海文匯西報

◎奏議

順天學政陸奏整頓學務摺 (續昨報)

一變通獎勵之法查原定章程獎勵各項畢業或予以舉人進士及翰林主事等知州知縣州同等官分別錄用蓋以官職驟難更改而學堂初立宜有激勵亦開辦之始勢不得不然然其中名實不符諸多窒礙仍與從前科舉所學非所用同弊且國家廣立學堂令通國無不學之人原所以潛民智而圖自強勢不能盡納之於官祿之途若照原定章程數十年後天下學人皆授以官而官又不能盡其用則於實際有何裨益竊以為自今獎勵之法宜畧為變通凡學堂畢業皆嚴辦科級予以文憑及學士名號而毋庸授以官職至內外各衙門員缺應查照各國隨時考選用人之法各據其所習本科由何項畢業即考選該項官職近見御史陳曾祐所奏變通學堂出身一摺具能洞見本原應請 飭廷臣照御史所陳悉心妥議使天下亦曉然於 朝廷精神所屬所用必於其所學以學茂名高為美不以能博官顯為榮即不驟改官制而學堂人士

亦貴官位而賤職事誠無取乎舊有之科目官階虛相比附以爲鼓舞人才之具也 一凡各省道府以下實缺候補人員責成各督撫甄別其失學者令入仕學館補習政治法律考察畢業始准任事凡廩生均應由學堂畢業始准引見量其所學分別授官除編入文部則例外並請 飭吏部定章辦理

一師範學堂外宜設師範傳習所除京師各學堂教員由文部慎選各省高等學堂教員由學政慎選其中小學教員或有品學兼優合於優級師範爲高等學堂學生公舉亦可選用外凡蒙學堂教習應入師範傳習所由學政撥派教習分赴各屬傳習師範無論生監皆可自備膳費入傳習所肄業數月畢業給以文憑俾充蒙小學堂教習無文憑者概不准充又如蒙學教科書目及教授規則通行刊發後凡鄉曲嚮學之士能購取自行研習熟諳教法即未入所傳習亦准其呈明學政考驗合格一體給予文憑充當教習 一凡教授教諭學正訓導等學官宜由師範生選授查日本學制凡師範生曾經任職十五年或年在六十以上並無過誤自願乞退者國家給以全俸或半俸以贍之今宜畧仿其意辦理凡充當師範十五年並無過誤自願乞退者即分別授以教授教諭學正訓導等官此項學官即可派充管理學堂 一學生冠服應由文部酌定除武備學堂常著操衣外其餘各學堂宜分三項行禮之服用常服袍褂操場應用操衣至於上課堂膳廳及休暇出堂之衣服酌量改定服式並分別大學堂高等師範及中小學堂標識圖貼說奏請 欽定頒行俾得一律遵守不得混淆 一各省中學堂宜兼重漢文查各國學堂皆以國文爲重前次奏定章程小學堂毋庸兼習洋文本以國文爲初學基礎中學堂高等學堂亦有經史文學功課至大學堂又設經學文學專科用意至爲深遠小學堂畢業學生只能通順中國粗淺文義若入中學堂以後漢文不再深求則將來大學堂經學文學專科勢必無人及格如國文以俄文德文較爲難學然比之中文其難易又甚懸殊環地球以中國文字爲最難爲最雅學中文雖性質文采甚高者亦非十餘年不能優十三經周秦諸子史漢說文即以文淵淵雅樸茂實爲國粹近日爭習各國語言文字風氣趨重避難就易數十年後恐文字盡成鄙塞一路現在各省中學堂每偏重洋文漢文遂不復力求進步應責成學政切實查考各學堂教習所注積分表凡國文及洋文不得偏重其課目鐘點應格遵定例不得任意加減 一中小學堂以上統宜繳納學費自備伙食查東西各國學制學生鮮在學堂寄宿者亦無不繳納學費者至於獎賞津貼尤所未聞現如京師各學堂歲費十餘萬金不等而學生不過三四百人一學生歲費至三四百金如是而欲廣建學堂以待全國求學之人其何能給凡中小學堂以上均酌定學費膳費儘可格外從輕然必照章繳納其功課程度能達最優等合於日本所謂特待生資格者准破格免收學費於體恤之中仍寓鼓勵之意又如中學堂高等學堂畢業生品學兼優以次升送高等學堂大學堂因實在無力繳費不能升學者則由地方官貸費畢業之後仍須將

文苑

李越縯侍御與樊雲門方伯有師生之誼唱酬之作兩家集中積如東海侍御之歎光景極奇青氈而外家無長物蓋侍御生平清狂簡傲抵觸權貴真有芥子金而不盼屢萬乘其如脫之概性又不善治生知已或贈以禦冬之蓄饋貧之糧攜手輟盡矧又壬辰癸巳以來病交三年宜其窘也及聞易簀豪貴之或被揮彈者私心快慰即平日承望風旨掛名弟子籍者亦多視若無睹甚且屏跡不一至可慨也惟樊方伯時官陝西渭南令郵致千金且函托其友搜羅越縯遺稿日記擬爲付刊不意已由侍御鄉人交某太守收存故方伯未得其原稿至今此項日記未見刊成身後之著述刊與不刊其權授之他人則其能傳與否均在不可知之數矣惟方伯篤於風義生死不渝足以風厲末俗茲將樊山稿中與越縯唱和之作附錄數首以誌師友之淵源增藝林之故實云 癸未寄懷李愛伯師都門云 湛然心迹玉壺清車騎雍容在鳳城彭祖自緣經術貴林宗不挂黨人

所貨之費分期償納中學堂收費稍輕不得援引此例 一陸軍水師學堂皆應由小學堂升入現在各省皆設陸軍學堂沿江海各省亦必設立水師學堂凡小學堂學生如身體健實性靈敏者即有軍人之資格皆可升入陸軍水師學堂 一宜令小學堂以上多設實業學堂從前科學之士不辦菽麥遑論實業故幸得一科而屢試不第則終身廢棄分利之人日益多生利之人日益少上下交受其困今於各州縣小學堂以上多設實業學堂如商學農學工學蠶學林業漁業之類務使通國學人於實業佔其多數其程度高者可漸次升遷否則於升選之外人人亦皆能自養富國強兵實基於此 一宜令蒙學堂以上多設尋常實業學堂中國下等工商或畧認之無便營執業或一丁不識而自爲生理此即工商敗游民充斥之由今於各鄉鎮蒙學堂以上多設尋常實業學堂其平民無力或學生資質魯鈍不能入小學者皆令入此等學堂如尋常商業農業蠶業工藝畢業後即能自求生計雖無恒產亦不至游手無歸國無廢民胥由此道 一獎勵公立學堂並改良私塾欲求教育普及官立學堂勢有所不逮則莫如獎勵公立凡地方紳富有能獨力捐辦及鳩資倡辦學堂遵照文部教科書及教法書辦理著有成效者由地方官稟知學政派員查驗分別奏請獎給虛銜封典其學生畢業之後均准其一體考選按級升送其私家學塾或由有力之家自延師訓其子弟或由各師招集生徒自設私塾今若概令歸入學堂學堂既不勝容而人情亦或不便若能遵照定章改良教法則不妨聽其並存但各塾教員須得有師範文憑方能充當以期一律 一蒙學最關緊要凡七歲以上不入學者罪其父兄家長除編入則例外應請並 飭修定法律大臣將此條增入新定法律飭各省切實查辦 (未完)

眉韻樓詩話

李越縯侍御與樊雲門方伯有師生之誼唱酬之作兩家集中積如東海侍御之歎光景極奇青氈而外家無長物蓋侍御生平清狂簡傲抵觸權貴真有芥子金而不盼屢萬乘其如脫之概性又不善治生知已或贈以禦冬之蓄饋貧之糧攜手輟盡矧又壬辰癸巳以來病交三年宜其窘也及聞易簀豪貴之或被揮彈者私心快慰即平日承望風旨掛名弟子籍者亦多視若無睹甚且屏跡不一至可慨也惟樊方伯時官陝西渭南令郵致千金且函托其友搜羅越縯遺稿日記擬爲付刊不意已由侍御鄉人交某太守收存故方伯未得其原稿至今此項日記未見刊成身後之著述刊與不刊其權授之他人則其能傳與否均在不可知之數矣惟方伯篤於風義生死不渝足以風厲末俗茲將樊山稿中與越縯唱和之作附錄數首以誌師友之淵源增藝林之故實云 癸未寄懷李愛伯師都門云 湛然心迹玉壺清車騎雍容在鳳城彭祖自緣經術貴林宗不挂黨人

小說

黑面塔 (冷譯) (續)

探險 (第十七) 寢臺巧遇

賊回時見酒者已爲人食大怒急覓食者余急欲再遁不知此處適爲陀耶當時寢宮前臨山巔後臨大海密室之中偏置各種行樂機門戶均有關楔常人不得入余無意得門而於寢宮床上又得見雪姬

此時雪姬亦驚起余急問曰

雪姬我來救你尙有一人名翼飛者係一大偵探現爲賊所迫不知如何他事且不必說賊將至矣無處可走奈何奈何

雪姬亦驚甚手足無措余曰

有無藏匿之處

雪姬無奈手指身後錦被言未發余已上床匿被中雪姬將被掩上後仍坐下坐甫畢賊已至聲如怒獅聞囉囉嚨嚨不知作何語雪姬不答只搖首示以無

本埠出口貨物調查表

天津輪船十一月十六日開往烟台廣東香港出口貨物

棉布一千四百一十號 口袋四百八十條 本地紙煙五十萬件

花生六千七百八十六担 香煙二担 機器值四千五百六十三兩

山羊皮二萬三千一百三十二張 鼠皮二萬五千九百八十六張

蛇皮二千三百十張 狗皮七百七十條 酒六十一担

瓜子七十七担 鹿尾二十七担 鹿尾一百四十五担

藥酒六百四十六担 羊毛二千九百五十五担

醋五十六担 埃及紙煙萬二千件 (復出口)

棧板八十五担 燭棉千零九十九担 馬毛十一担

白豆十四担 燭棉千零九十九担 馬毛十一担

本地紙煙一萬五千件 黑炭七百三十一担 香膏九担

牛草一百三十担 羚羊角四十斤 羊皮六十四條

機器值一千七百六十七兩 鼠皮二萬張 貓皮一千零三十六張

山羊皮一萬一千六百三十七張 老羊皮二百張 狗皮三千零五十張

山羊皮八萬二千六百一十一張 馬尾十七担 蛇毛一百七十五担

藏羊皮四張 草帽辦二百五十六担

細茶葉七十四担 (復出口) 山羊毛七十三担

連陸輪船十一月十三日開往煙中出口貨物

豬鬃一百六十五担 煤一百噸 燭棉七百六十六担

馬毛十二担 蘇七百零三担 山羊皮辦七千五百三十六條

羊皮四千二百三十八張 山羊皮九千四百五十六張 馬尾七担

羊毛三千三百零八担 蛇毛三百零七担

北平輪船十一月十三日開往營口出口貨物

煤三百噸

新濟輪船十一月十三日開往上海出口貨物

斜紋布一件復出口

名門生遠地供茶外園叟深春致竹萌驛使倏遲逢改歲卻依南斗望瑤京 (未完)

闡揚幽隱

闡揚幽隱 古者太史有韜軒之採鄉人有里乘之編今皆無聞焉彼夫寄節異行間氣所鍾隱居抱道孤芳自賞其人其事可法可傳而姓氏不彰直與草木同腐有心世道者所爲太息流涕而不能已也闡揚幽隱亦報館之責鄙人僂促一隅有志未逮 諸君見聞所及如有足增典冊之光而爲後人模楷者請將姓名事實撰成小傳或開具節畧寄至北京順治門外前青廠番禹館內交十芳子收入除原稿刊登本報外他日彙爲一編名曰信芳錄凡曾寄稿者皆奉送一冊 諸君台銜住址明白示知爲要再庚子之變京津殉難者甚多能查明事實寄至本館或酌送酬金或送閱本報一二月均無不可 開通報代表人十芳子謹白

● 訪 舊 報 ●

有人遺失大公報自七號至二十七號自二十九號至五十六號自五十九號至六十四號自六十六號至六十八號自七十六號至九十一號自九十六號至一百零二號至一百一十七號又七十號七十一號七十三號七十四號九十三號九十四號一百八十一號二百二十六號二百九十七三百零三號三百零四號三百零六號五百零九號五百三十六號五百六十四號五百六十九號總共一百一十一張亟欲訪補齊全京津保定等處閱報諸君如有積存舊報數相符者不拘多少倘肯割愛寄下當厚酬謝最祈小說改良信箋或加倍奉送京津日報尙從速見示是幸

天津河北大胡同瑞芝閣南紙局劉鳳山代啓

直隸學務處
新書出版

中國地理二冊
三角農學階梯
一冊二角半鑲
物學簡易教科
書二冊五角新
編理化示教一
冊三角物理學
初步二冊三角

告 廣 行 洋 北 新

本行自置外洋各色印書刷報紙張及新式大小機器鉛字銅版色墨水邊各色墨花一應俱全價廉物美如蒙顧者請至天津日本租界溜米廠壽街迤南本行面議可也
新北洋行啓

天 津 北 京
合 隆 洋 行

啓者本行開設英租界中街朱家胡同東口專辦祥茂皂緒昌皂有數箱賜顧者請至本行面議可也又新到祖家香而其香異常能除瘟殺蟲比樟腦加倍應效

合隆洋行啓

東路外門營北河
廠板成復

啓者本號發賣自運福建
檳木大小桶板樓房木料
天棚料檁楠木料自連東
溝松木等連料板檁枋秋
鞭黃花松方大小長料均
有東洋道木桂木松木各
樣木料薄厚板片一概俱
全零售發正平價價格外從
廉發賣眞正金絲楠木獨
板杉木書板經木大小材
料南式行材貨價另小公
道與衆不同 仕商賜顧
者請移玉駕臨本號面議
特此奉告 本號主人啓

仁記洋行告白

仁記洋行告白

啓者本行出售大小瓦甕鐵
白銹鐵河南硬煤各號尺寸
美國松木龍鳳牌地板柚木
各種碩木並鑄木椅子油漆條腴洋燭以及大小機器全副鍋爐火爐尙有
各號進口貨倫蒙 賜顧請臨本行面商是幸
本行謹白

北京工藝商局廣告

北京工藝商局廣告

本局自造景泰號陳設器具絨地毯出洋賽會屢得超等文憑最合真贈奩禮之用各種西式木器工料與衆不同金珀朝珠珊瑚頂子及玳瑁象牙諸品幼學地理知方圖均極堅美在北京琉璃廠天津租界福照樓間壁兩處分售格外價廉此啓

關 內 外 鐵 路 行 車 時 刻 單

[illegible]

天津府署東各報總派處梁子亨

敵處在北洋經售各報開創風氣三十餘載近來本洋各埠定閱日增月盛空函恕不往寄各報列目於左○新出津報○日日新聞○中外實報○京畿醒報○敵帝千金公報○青龍報○北洋官報○虧天時報○燕都報○女報○閣抄彙報○北京日報附官話報○直隸白話○機州白話○通俗白話○四川官報○楚報○漢口日報○廣東世說編○上海新聞報○時報○中外日報○世界彙華○小說世界○東文雜誌○新出南方報○華字彙報○同文滙報○治病捷要新書○代售東洋寶丹神丹一切東洋藥丹俱全餘者各報來函續錄

名醫

名醫

番禺凌翼廷先生素擅岐黃尤精婦科向在粵東行道有年臨症極多活人無算確乎手到病除奏效神速年來客遊燕楚求診者踵接於門迨無虛日而先生向以濟世爲懷凡有求診者無不詳求病源謹慎從事刻經各友人勸駕留津俾有病之家早得良醫非敢徒事表揚也先生現寓河北甘霖寺後聚和當舖對門另就鈔關稅務之席非專業醫每日須在下午四點鐘後出診倘遇急症屆時另商亦可從權尙希諒之

胡藻華 劉少泉 陳雪岩 嚴兆貞 李采繁 郭蔭卿 何綱堂 李宏基 饒華廷
黃卓生 李嘉樂 梁植光 陳蕙超 黃祝生 林芸浦 劉祐唐 李子琴 嚴少浦 同啓

奏辦硝皮廠告白

奏辦硝皮廠告白

本廠自開辦以來已蒙各國軍隊賜顧極其稱贊所硝生羊各皮格外堅固所造成軍裝各物異常精美均照泰西各國改良製造與軍隊正為合用官商所用靴鞋皮包煙匣另件一概全備如有新式皮件出有圖樣均能仿造價目格外克己定貨批單限日不誤本廠乃中國初創

恐遠地不及週知此佈

批發處 賈大橋本廠帳房 估衣街聚源長 天津北洋硝皮廠謹啓